

文淵閣

影印

四庫全書

影印

文淵閣四庫全書

第九七六冊

北京出版集團公司  
北京出版社

# 本册目次

山 堂 肆 考(三)

明 彭大翼撰……………一

欽定四庫全書

子部  
山堂肆考卷九十七

詳校官中書臣孫溶

主事臣祁韻士覆勘

總校官降調編修臣倉聖脉

校對官助教臣卜維吉

謄錄監生臣劉禮

欽定四庫全書

山堂肆考卷九十七

明 彭大翼 撰

親屬

子

禮曲禮凡為人子之禮冬溫而夏清昏定而晨省在  
醜夷不爭出必告反必面所遊必有常所習必有業  
恒言不稱老李密曰為人子者願為人兄不願為人  
弟兄事親之日長弟事親之日短

欽定四庫全書

山堂肆考  
卷九十七

問安

禮文王世子文王之為世子朝於王季日三雞初鳴而  
至寢門問內豎之御者曰今日安否何如豎曰安文王  
乃喜日中又至亦如之及暮又至亦如之

幹蠱

易蠱卦幹父之蠱有子考无咎厲終吉幹母之蠱得中  
道也

肯堂肯構

周書若考作室既底法厥子乃弗肯堂矧肯構厥父繄厥子乃弗肯播矧肯穫厥考翼其肯曰子有後弗棄基

### 學箕學裘

禮學記良冶之子必學為裘良弓之子必學為箕

### 稱善

禮坊記善則稱親過則稱已

### 貽名

禮內則父母雖沒將為善思貽父母令名必果將為不

欽定四庫全書

山堂肆考  
卷九十七

善思貽父母羞辱必不果

### 不知罵怒

說文孔子家兒不知罵曾子家兒不知怒所以然者生

而善教也

### 不敢欠伸

內則在父母舅姑之所有命之應唯敬對不敢噦噫嚏

咳欠伸跛倚

### 目瞿心瞿

禮雜記免喪之外行於道路見似目瞿聞名心瞿注云

見人貌有類其親者則目為之瞿然驚變聞人所稱名與吾親同則心為之瞿然驚變也

### 敬孝愛孝

莊子曰以敬孝易以愛孝難

### 受箠

說苑曾子嘗有為不中曾皙怒援木擊之曾子有頃乃

蘇退鼓瑟而歌孔子聞之告門人曰昔舜事瞽瞍索而

欽定四庫全書

山堂肆考  
卷九十七

使之未嘗不在側索而殺之未嘗可得而小箠則受大

箠則走今曾子委身待暴怒以陷父不義不孝孰大乎

一說曾皙使曾子耘瓜誤傷其根故怒

### 泣杖

說苑韓伯俞事親至孝有過笞之泣母曰他日笞汝未

嘗泣今泣何也對曰往日得罪笞之痛知母力健今笞

之不痛知母力衰是以泣也

### 祭不為尸

曲禮為人子者居不主奧坐不中席行不中道立不中門食饗不為樂祭祀不為尸

### 仕不擇祿

家語子路見孔子曰負重涉遠不擇地而休家貧親老不擇祿而仕

### 五綵娛親

高士傳老萊子養二親年七十身著五色綵衣為嬰兒戲於親前嘗取漿上堂詐跌臥地為小兒啼或弄烏鳥

欽定四庫全書

山堂肆考  
卷九十七

四

於親側欲親之喜

### 三釜養親

曾子曰吾及親仕三釜而心樂後仕三千鍾而不泊吾

心悲

### 負米

家語子路曰昔者由也事二親之時嘗食藜藿之食為親負米百里之外親沒之後南遊於楚從車百乘累茵而坐列鼎而食願食藜藿為親負米不可得也木欲靜

而風不停子欲養而親不逮

### 遺羹

左隱元年鄭莊公置姜氏于城潁而誓之曰不及黃泉無相見也既而悔之潁考叔為潁谷封人聞之有獻于公公賜之食食舍肉公問之對曰小人有母皆嘗小人之食未嘗君之羹請以遺之公曰爾有母遺繫我獨無潁考叔曰何謂也公語之故且告之悔對曰若掘地及泉隧而相見誰曰不然公從之遂為母子如初

欽定四庫全書

山堂肆考  
卷九十七

五

### 菽水盡歡

禮檀弓子路曰傷哉貧也生無以為養死無以為禮也子曰啜菽飲水盡其歡斯之謂孝

### 風木思養

韓詩外傳孔子出行聞有哭聲甚悲至則臯魚也被褐擁劍哭於路左孔子下車而問其故對曰吾少學周流天下而吾親死一失也高尚其志不仕庸君而晚無成二失也少失交遊寡於親友而老無所託三失也樹欲靜

而風不止子欲養而親不逮往而不可返者年也逝而不可追者親也吾于是辭矣立哭而死于孔子門人歸養其親者一十三人

不改父政

論語孟莊子之孝其他可能也其不改父之臣與父之政是難能也

不傷父名

田叔為魯相卒魯人以百金祠少子仁不受曰無以百

欽定四庫全書

山堂肆考  
卷九十七

六

金傷父名

為父受污

東漢順帝時膠東相吳祐字季英政崇仁簡民不忍欺有嗇夫孫性私賦民錢市衣進父父得衣而怒曰有君如是何忍欺之促歸伏罪性慚懼自責具談父言祐曰掾以親故受污辱之名所謂觀過知仁矣使歸謝其父還以衣遺之

為母被屈

見縣尹上

扇枕溫席

東漢黃香字文強家貧無奴僕躬執勤苦盡心供養軀無被褥而親極滋味暑則扇牀枕寒則以身溫席

嘗吐嗽膿

東漢蔡順字君仲以至孝稱母至姻家飲酒嘔吐順恐中毒乃嘗其吐母生瘡出膿以口嗽之

自澣中裙

欽定四庫全書

山堂肆考  
卷九十七

七

漢武帝建元中皇太后以萬石君家不言而躬行乃以長子建為郎中令少子慶為內史建每五日洗沐歸謁親入子舍竊問侍者取親中裙廁綌身自澣滌以為常注云中裙近身衣廁綌汗衫也

親滌溺器

宋黃魯直性至孝奉母安康君至為親滌溺器未嘗頃刻不供子職

倉粟養母

呂氏春秋齊有北郭騷者細蒲葦織屨履以養其母猶不足踵門見晏子願乞所以養母晏子使分倉粟府金而遺之辭金而受粟

### 焦飯遺母

世說吳郡陳遺母好食餚底焦飯遺作郡主簿製一囊每煮飯輒貯焦飯歸以遺母後值孫恩賊出吳郡袁崧即日便征遺已斂得焦飯數斗未展歸家遂帶以從軍戰於淝濱敗軍人逃走山澤皆多饑死遺獨以焦飯得

欽定四庫全書

山堂肆考  
卷九十七

活時人以為純孝之報也

### 申喜心通

呂氏春秋有申喜者亡其母聞乞人歌于門下而悲之動于顏色謂門者內乞人之歌者自覺而問焉曰何故而乞與之語蓋其母也故父母之于子也子之于父母也一體而兩分同氣而異息若草莽之有華實也若樹木之有根心也雖異處而相通隱志相及痛疾相救憂思相感生則相歡死則相哀此之謂骨肉之親神出於

中而應乎心兩精相得豈待言哉

### 荀顗色養

晉荀顗字景倩年踰耳順而母年九十色養烝烝以孝聞當時

### 能蓋前愆

漢昭帝以張安世自先帝時為尚書令志行純篤用為右將軍以杜延年有忠節擢為太僕按安世湯子延年周子書法云二子可謂能蓋前人之愆矣

欽定四庫全書

山堂肆考  
卷九十七

### 盡革故態

宋太宗興國六年宰相薛居正卒帝親臨其喪為之流涕居正子惟吉素無行帝存問其家因曰不肖子安在頗改節否不克負荷先業奈何惟吉伏喪側懼報不敢起自是盡革故態讀書親賢修飾為善其後帝數委以大藩所至稱善

### 論父功德

世說陳元方子長文與季方子孝先各論父功德爭之

不決諸于祖太丘太丘曰元方難為兄季方難為弟按元方紀字長文羣字季方諱字孝先忠字又晉阮孝緒十餘歲隨父為相州從事不書官紙以成父清白

### 問母起居

北史崔暹平居侵晚則與兄弟跪問母之起居出理官政暮歸嘗食視寢畢然後至外齋對親賓論事或與談玄理

### 殺雞供母

欽定四庫全書

山堂肆考  
卷九十七

十

東漢茅容字季偉郭林宗見之請寓宿旦日容殺雞為饌林宗以為為已設既而乃供其母自以草蔬與客同飯泰曰卿賢哉遠矣林宗猶減三牲之養以供賓客而卿如此乃我友也因勸令從學

### 投魚進母

蕭廣濟孝子傳杜孝已郡人少失父與母居以至孝稱後在成都母喜食生魚孝乃截大筒盛魚二頭塞之以草呪曰我母必得此魚因投中流後婦出汲見筒橫米

觸岸異而取視有二魚含笑曰此吾夫所記也熟而進之聞者嘆異

### 孟宗泣竹

楚國先賢傳孟宗字恭武性至孝母好食竹笋冬月無笋宗入竹中哀號笋為之生

### 曇恭進瓜

南史滕曇恭年五歲母患熱病思食寒瓜土俗不產歷訪而不得俄遇一桑門曰我有雙瓜分一相遺曇恭因

欽定四庫全書

山堂肆考  
卷九十七

十一

以進母舉室驚異

### 愛日

揚子曰事父母自知不足者其舜乎不可得而久者事親之謂也孝子愛日

### 望雲

見雲

### 刻木為母形

漢丁蘭河內人年十五歲喪母不及養乃刻木為親形

事之如生

撾鼓乞父命

梁吉琬字彥霄父為奸吏所誣罪當死琬年十五撾登聞鼓乞代父命武帝乃釋之丹陽令王志欲于歲首舉充純孝琬曰異哉王尹何量琬之薄也父辱子死道固當然若琬當此舉是因父求名何辱如之固拒而止

桑椹奉母

東漢蔡順當王莽末歲大荒順拾桑椹以異器盛之赤

欽定四庫全書

山堂肆考  
卷九十七

十三

眉賊見而問之順曰黑者奉母白者自食賊知其孝遺以米肉放之

葡萄奉母

唐陳叔達為納言嘗賜食得葡萄不舉高祖問之對曰臣母病渴嘗求之不得願歸奉之帝曰卿有母欲遺乎因更賜之

諫父慎嫌

東漢吳祐隨父恢為南海太守祐年十二恢欲殺青簡

寫經書祐諫曰南方多珍怪上為國家所疑下為權威所望此書若成則載必兼兩昔馬援以薏苡興謗王陽以囊衣微名嫌疑之際先賢所慎恢撫祐首嘆曰吳氏世不乏季子矣

傷父被刑

顏氏家訓吳郡陸襄以父閑被刑終身布衣蔬食雖薑菜有切割者皆不忍食居家惟以招摘供廚江陵姚子篤母以燒死終身不忍啖炙豫章熊康父以醉而為奴

欽定四庫全書

山堂肆考  
卷九十七

十三

所殺終身不嘗酒然禮緣人情恩由義斷假如親以噎死遂可絕食耶

拜讀父書

吳顧愷每得父書則灑掃几筵舒書于上拜跪讀之讀畢再拜若父有疾耗之問則臨書垂涕語聲哽咽

能為父賦

宋歐陽公為鳴蟬賦他兒皆一視而過少子棐守之不  
去公曰此兒必能為吾賦也因以與之按棐字叔弼

求增父秩

唐孫遜遷中書舍人父嘉之年且八十猶為令遜求降外官增父秩帝嘉納拜嘉之宋州司馬聽致仕

乞擬母封

宋趙康靖公槩會郊祀當進階封且任一子京官公乞以封母郡太君宰相謂公曰方為學士擬封不久矣公曰母年八十朝夕不可期願及今以為榮許之遂以為例

欽定四庫全書

山堂肆考  
卷九十七

十四

傷指大啼

世說范宣字子宣年八歲後園挑菜誤傷指大啼人問痛耶答曰非為痛身體髮膚不敢毀傷是以啼耳

指痛不寢

梁臧盾有至性嘗隨父宿直廷尉府母劉氏夜暴亡盾左手中指忽痛不得寢及旦問至又宋司馬池光之父也嘗奏名禮部將入試殿廷一日心動不能寐曰吾母素多疾能無恙否及至內門徘徊不能入蓋母已亡

為友人所匿也因詰其友而友止以疾告池遂號泣而歸

為母炊爨

世說祖納字士言少孤貧性至孝常自為母炊爨作食王平北聞其佳名以兩婢餉之因取為中郎有人戲之者曰奴價倍婢祖云百里奚亦何必輕于五羖之皮耶為母行傭

漢江革字次翁臨海人少失父遭王莽亂負母逃難以

欽定四庫全書

山堂肆考  
卷九十七

十五

母老不欲搖動自在轅中挽車不用牛馬轉客下邳行傭供母人稱江巨孝

羞掩父德

晉袁宏字彥伯遷桓溫記室為東征賦悉稱過江諸名德而獨不載溫父彝溫甚忿後遊青山飲歸命宏同載眾為危懼行數里問宏曰聞君作東征賦多稱先賢何故不及家君宏曰尊公稱謂非下官敢專因未呈啓不敢顯之耳溫曰君欲為何辭宏即答曰風鑒散朗或搜

或引身雖可亡道不可殞宣城之節信義為允溫泣然  
而止宏賦又不及陶侃侃子胡奴嘗于曲室抽刀問宏  
曰家君勲績如此君賦云何相忽略宏窘急答曰我已  
盛述尊公何乃言無因曰精金百鍊在割能斷功則濟  
時職思靖亂長沙之勲為史所贊胡奴乃止按胡奴是  
侃第十子陶範也範字道則胡奴其小字也

求顯父名

唐甄逢常以父不得在國史為恨逢與元稹善稹移書

欽定四庫全書

山堂碑考  
卷九十七

十六

于史館修撰韓愈由是父子俱得顯名

誦詩興嘆

見入仕

讀詩流涕

晉王褒字偉元父儀為魏文帝所殺痛父死于非命未  
嘗西向坐隱居教授廬于墓側旦夕攀栢悲號涕泣著  
樹樹為之枯讀詩至哀哀父母生我劬勞未嘗不三復  
流涕門人受業者並廢蓼莪篇又南史顧歡隱天台山

開館聚徒早孤讀詩至哀哀父母輒廢書慟泣由是受  
學者廢蓼莪不復講

不忍衣綿

南史朱百年家素貧薄母以冬月亡衣竝無絮百年自  
此不衣綿帛嘗寒時就同縣孔思遠宿衣悉袂布飲酒  
醉眠思遠以卧具覆之百年初不知既覺引卧具去謂  
思遠曰綿定奇溫因流涕悲痛思遠亦為之感泣

不忍聞樂

欽定四庫全書

山堂碑考  
卷九十七

十七

宋劉溫叟以父名岳終身不聽絲竹不遊嵩華每內宴  
聞鈞天之樂則涕泣移時曰若非君命則不至是

為父禳災

唐李勉為江西觀察使部人有父病以蠱道為木偶人  
署勉名位瘞于其壠或以告勉勉曰為父禳災亦可矜  
也竟不問

為父禱疾

陳徐陵字孝穆子份性孝友陵疾篤份燒香祈禱跪誦

孝經日夜不息如是者三日陵疾豁然而愈

五子知名

晉王羲之有子七人其知名者五人曰玄之凝之徽之獻之操之故唐孟郊詩云羲之生五子羲之又有一子又劉宋謝莊生五子曰颺趾顗崧淪蓋名子以風月景山水也

八子皆貴

唐郭子儀八子七婿皆貴顯八子謂曜盱晞晔晤曖曙

欽定四庫全書

山堂碑考  
卷九十七

十八

映也曖尚昇平公主曖四子鑄釗鉞鎔一女為憲宗皇

后

瑤環瑜珥

唐韓文公作殿中少監馬君墓誌始余應進士舉于京師見北平王燧於北亭猶高山深林龍虎變化不測蓋魁傑人也退見少傅翠竹碧梧鸞鶴停峙能守其業者也姆抱幼子立側眉眼如畫髮漆黑肌肉玉雪可憐娟好靜秀瑤環瑜珥蘭茁其芽稱其家兒即殿中少監馬

君繼祖也按少傅即燧子暢少監燧孫也

發假收嚴

唐楊遺直為蘭陵主簿名四子曰發假收嚴皆登進士第收即大拜發已下皆至丞郎發以春為義假以夏為義收以秋為義嚴以冬為義同居修行里比靖恭諸楊尤盛焉

齧臂而盟

吳起出衛郭門與母訣齧臂而盟曰起不為卿相不復

欽定四庫全書

山堂碑考  
卷九十七

十九

入衛門後果如言

絕裾而往

晉元帝大興初溫嶠欲詣建康母崔氏固止之嶠絕裾而往後母亡阻亂不得奔喪

導輿

唐崔邠拜太常故事太常始視事大閱四部樂都人縱觀邠自第去帽親導母輿公卿見者皆避道都人榮之又五代張遂清為淄州刺史迎其母及郊親為母執轡

行數十里州人以為榮

跨竈

吳崇質賀人生子詩云寄語王渾防跨竈阿戎清賞祇須臾又蘇東坡答陳季常書云在定日作松醪賦今寫寄擇等庶開發後生妙思着鞭一躍當撞破煙樓吾子邁作文頗有父風咄咄皆跨竈之具按竈有釜故子過于父為跨竈擇季常子名煙樓竈上烟窻言子過于父猶如跨竈撞破煙樓也

欽定四庫全書

山堂肆考  
卷九十七

二十

任昉令子

劉宋褚淵字彥回嘗謂任昉父遙曰聞卿有令子相為喜之所謂百不為多一不為少也又唐鄭餘慶子涵為右補闕敢言無忌憲宗謂餘慶曰涵卿令子而朕直臣也可更相賀

挺之真子

唐嚴武母裴氏不為父挺之所答獨厚其妾英武奮然以鐵槌就英寢碎其首挺之奇之曰真嚴挺之子

得父一能

劉宋顏延之字延年文帝召之不肯詣常日但入酒店裸袒挽歌了不應對他日醉醒入見帝帝問諸子才能對曰浚得臣筆測得臣文奐得臣義曜得臣酒何尚之因問誰得卿狂答曰其狂不可及

得父一絕

唐宋之間父令文富文詞且工書有力絕人世謂三絕後之問以文章起弟之悌以驍勇聞之遜以精草隸名

欽定四庫全書

山堂肆考  
卷九十七

二十一

世謂皆得父之一絕

蘇氏有子

唐蘇頲子誥十餘歲彊學有成人風頲喜曰吾家有子

李氏有子

唐李晟收復長安封西平王子愬擒吳元濟故平淮西碑云惟西平有子惟我有臣

終身不引鏡

唐路隋字南式父泌從渾瑊會盟于平涼被虜執死焉

時隋方嬰孺以恩授八品官知父死虜中日夜號泣坐不西向不食肉母嘗告隋貌類父遂終身不引鏡

### 平生不踐石

宋徐積字仲車楚州人積生三歲父羅城君卒晨昏匍匐牀下求其父甚哀太夫人一日使讀孝經流涕不止壯以父諱石平生不用石器遇石則避而不踐一日具公裳見貴官忽自思曰見貴官尚用公裳豈有朝夕見母而不具公裳者遂朝夕具公裳揖其母

### 欽定四庫全書

山堂肆考  
卷九十七

### 親老不仕宦

宋包孝肅始及第以親老侍養不仕宦且十年人稱其孝

### 親在不赴官

宋范純仁文正公次子以父母在調官皆不赴文正遣之公曰純仁豈為重于祿養而輕于父母耶雖近亦不能朝夕在側遂終養焉

### 入關得母

宋司農少卿朱壽昌天長人字叔康父巽守京兆時妾劉有娠為嫡母妬害出嫁民間生壽昌數歲乃還父家

母子相別不相聞者五十年壽昌既仕行四方求之不得與人言輒流涕熙寧初知廣州軍與家人訣棄官入秦誓不見母不還行次同州避雨旅舍見老婦冒雨抱薪而來投舍嘆曰吾兒壽昌安知母如此之苦乎壽昌聞愕然近前問故乃知為生母也年已七十餘矣壽昌因與同母所生弟妹皆歸為買田宅居之天下知其孝

### 欽定四庫全書

山堂肆考  
卷九十七

友京兆尹錢明逸以聞詔壽昌還就原官為王安石所忌出為河中府通判居數年母卒壽昌哭泣幾喪明按同州今陝西西安府東坡集又曰得之蜀中

### 入蜀迎父

宋番禺張吉方在娘父介客東西川不還及為兒時與彭器資同學作詩有應是子規啼不到至今我父未歸家之句聞者憐之既長至蜀迎父父初無還意乃還省母復至涪關往返者三其父以熙寧十年三月至自蜀

鄉人迎謁嘆息器資因贈以詩

五桂

五代竇禹鈞漁陽人生五子儀儼偁僖俱登科馮道贈詩曰燕山竇十郎教子以義方靈椿一株老丹桂五枝芳

三槐

宋王晉公祐太祖朝知制誥使魏州太祖曰使還與卿王溥官職時溥為宰相也使還帝怒安置華州七年不

欽定四庫全書

山堂肆考  
卷九十七

二十四

召初祐赴貶時親朋送祐曰意公作王溥官職矣祐笑曰某不做兒子二郎必做二郎文正公旦也祐嘗手植三槐于庭曰吾子孫必有為三公者已而文正公果作相天下謂三槐王氏

不辨菽麥

已下不肖子

晉桓溫第四子不辨菽麥

不奉教令

漢有佞子者家貲萬金自小不從父命父臨亡欲葬山

上恐兒不從倒言葬我着渚下石磧上佞子曰我由來

不奉教令今當從此一語盡散家財積土繞之成一洲長數百步元康中始為水所壞

狄子暴橫

狄仁傑子景暉為魏州司馬叅軍恣行暴橫人患焉遂廢梁公生祠神像

宋子賊貪

宋璟五子渾恕尚並以賊敗華衡亦皆坐貪得罪廣平

欽定四庫全書

山堂肆考  
卷九十七

二十五

之風衰矣

尚主驕恣

見公主

憑舊請託

見父

山堂肆考卷九十七

欽定四庫全書

山堂肆考卷九十八

明 彭大翼 撰

親屬

女

禮內則女子十有五年而笄二十而嫁有故二十三  
年而嫁家語女有五不取逆家子者亂家子者世有  
刑人子者有惡疾子者有喪父長子者

佩環

欽定四庫全書

山堂肆考  
卷九十八

列女傳下堂必從傳母保阿進退則鳴玉佩環

琢玉

呂溫集顧復長之如滋芳蘭之易茂姆師教之如琢美  
玉之易成注云顧復父母也

設帨

禮內則子男生設弧于門左女子設帨于門右

卧牀

列女傳古者生女三月卧之牀下弄之瓦磚而齋告焉

卧之牀下明其卑弱主下人也弄之瓦磚明其習勞主  
執勤也齋告先君明當繼主祭祀也

治織紵

內則女子十年不出姆教婉婉聽從執麻枲治絲繭織  
紵組紃學女事以供衣服觀于祭祀納酒漿籩豆菹醢  
禮相助奠又曰女子出門必擁蔽其面夜行以燭無燭  
則止注云十年不出謂十歲則恒處于內也

施鞶紳

欽定四庫全書

山堂肆考  
卷九十八

穀梁傳女嫁諸母施鞶紳戒曰謹慎從爾父母之言按  
鞶佩囊也紳帶也言諸母為施佩帶又戒之也內則子  
能食食教以右手能言男唯女俞男鞶革女鞶絲唯俞  
皆應辭鞶小囊盛帨巾者男用革女用繒帛

從父所制

顏氏有三女叔梁紇求婚父問曰阪大夫父祖為士武  
力絕倫誰能事之小女徵在曰從父所制父曰即汝能  
矣遂以歸紇生仲尼